



UKA 2020/48

18/11-2020

Simigaq Heilmann

Uumasut naasullu avataanit eqqunneqartut pillugit EM2021 nallertinnagu nassuaammik saqqummiussinissamik Naalakkersuisut peqquneqarnissaannik Inatsisartuni aalajangiiffigisassatut siunnersuut. Nassuaat minnerpaamik tulliuttut uku pillugit paasissutissanik imaqassaaq: ajornartorsiu tip annertussusai, maleruagassiassanut siunnersuutit, pinaveersaartitsineq, nakkutiginninneq kiisalu uumasunik naasunillu eqquasanik navianartorsiortitsisinnaasunik akiuiniarneq kiisalu suliniutit taakku aningaasalersornissaat.

(Inatsisartut ilaasortaq Aqqaluaq B. Egede, Inuit Ataqatigiit)

(siullermeernera)

Qujanaq Inuit Ataqatigiit Inatsisartuni ilaasortaatitaanut Aqqaluaq B. Egede-mut taamatut siunnersuuteqarneranut, qularnanngitsumik politikkikkut isiginiarneqartussamut.

Nunatut ukiorpassuarni aalisakkat qaleruallillu avammut tuniniarneranni isertitsissutigilliarsimavagut, tamannalu annertusarniarlugu savanik ammalu nunalerinermut tunngassuteqartunik allanik avammut tuniniaaneq ingerlatilerusupparput. Taakkununnga avammut tuniniagassanut tunngasut, pinngortitamit pisuussutaapput. Tassani annertoorujussuarmik mianersuuttariaqarpoq uumassusillit tikiussat, Nunarsuarmi pissusissamisuunngitsumik pigineqannginneri, imariaannaammat, uumassusillit pinngortitamit pisut uumasut naasullu pigeriikkagut ammalu avammut tuniniaanerput ajoquusersinnaagaat.

Tamanna tunnavigalugu pingaartuuvoq, nunarput pinngortitameersunut uumasunut naasunullu assigiinngitsunut illersornissaa.

Demokraatit Naalakkeersuisut tungaannit suliniutit aallartinneqareersimasut iluarismaarpaat, uatsinnulli aperisariaqarpugut tamakku naamannersut? Tassani isumaqarpugut, pissusissamisoortuusoq, Avatangiisimut eqqisisimatitsinermullu ataatsimiitaliamut suliassaq misissortissallugu.

Sukumiisumik ataatsimiitaliami misissorneqareerpat isummissaagut, siunnersuutigineqartutut nassuaasiornissaq pisariaqarnersoq.

Paasinnilluta Avatangiisimut eqqisisimatitsinermullu ataatsimiitaliamut siunnersuut innersuupparput.